

«Այժմ, որ Հայոց Արշակ թագաւորը եկել է մօտը, պատմի՛ր, ի՞նչ պէտք է նա խօսում հետդ, ի՞նչ ձայն է հանում եւ կամ ինքզինքը ի՞նչ պէտք է պահում մօտդ»:

Արքան պատասխանում է. «Որպէս մէկը՝ իմ ծառաներից: Այդպէս է համարում նա ինքզինքը եւ աշխատում՝ ոտքիս հողը դառնալ»:

Նոքա թէ՛ «Արի՛ այժմ, ինչ որ քեզ պիտի ստենք, պահի՛ր նորա այստեղ, եւ միեւնոյն ժամանակ մարդիկ դրկիր Հայոց երկիրը եւ Հայաստանի սահմաններից երկու բեռան չափ հո՛ղ բերել տուր, այլ եւ մի կահոյր (սափոր) ջո՛ւր: Հրաման կը տաս, որ վրանիդ յատակի կէսը Հայաստանից բերած հողով ծածկեն: Ապա՛ անձամբ կը բռնես Հայոց Արշակ թագաւորի ձեռքից եւ նախ կը տանես վրանի այն կողմը, ուր բուն իսկ հողն է: Այդտեղ դու հարցումներ կ'ուղղես նորան: Յետոյ դարձեալ կը բռնես նորա ձեռքից ու կը տանես հայաստակ հողով ծածկուած տեղը: Այդտեղ եւս դու նորա բերնից խօսքեր կը լսես, ու այդ ձեռով կ'իմանաս արդէն, թէ՛ նա արդեօք իսկապէս հաստա՞տ է քո ուխտին եւ թէ՛ քեզ հետ կնքած դաշինքը պիտի պահէ՞, երբ ազատ թողնես որ Հայաստան դառնայ: Եթէ՛ նա հայ հողի վրայ (կեցած տանն) խիստ-խիստ բաներ խօսէ հետդ, գիտցի՛ր ուրեմն, թէ՛ ո՛ր օրը որ նա Հայոց երկիրը հասնելու լինի, նա ա՛յդ իսկ լեզուն պիտի գործածէ քո դէմ, իր հին պատերազմները պիտի նորոգէ դէմդ, նոյն ճակատները եւ նոյն թըշնամութիւնը յուզէ»:

Շապուհ կատարում է կախարգների խորհուրդը: Արարական ուղտերով մարդիկ է ճամբում Հայաստան՝ հող եւ ջուր բերելու այնտեղից: Մի քանի օրից յետոյ բերում են ուղածը:

«Ապա հրաման է տալիս Շապուհ թագաւորը, որ իր վրանի յատակի կէսը Հայաստանից բերուած հողով ծածկեն եւ վրան ջուրը ցանեն, իսկ միւս կէսի վրայ թողնեն իր բուն իսկ հողը: Եւ յետոյ իր մօտ է բերել տալիս Հայոց Արշակ թագաւորին եւ հրամայում, որ բոլոր ներկաները հեռանան: Ու բռնելով (Արշակի) ձեռից, սկսում է առաջ ու ետ երթալ, ճեմել:

«Եւ վրանի մէջ առաջ ու ետ ման գալով՝ ասում է (Շապուհ) նորան, երբ պարսիկ հողի վրայ էին ճեմում:

«Ասա՛, ինչո՞ւ համար դու թշնամացար իմ դէմ, Հայոց Արշակ թագաւոր: Չէ՞ որ ես իրբեւ իմ օրդիս սիրեցի քեզ, նոյն իսկ իմ դուստրը քեզ կնուծեան տալ կամեցայ, ուզեցի քեզ իմ օրդիս դարձնել: Դորա վտխարէն՝ դու կուպիտ վարուեցար հետս. միայն քո կամքին անսարով եւ առանց իմ կամքիս շարժուելով՝ դու թշնամացար ինձ: Ամբողջ երեսուն տարի պատերազմեցիր դէմս»:

«Արշակ թագաւորը պատասխանում է.

«Ես մեղաւոր եւ յանցաւոր եմ քո առջեւ: Եւ ես եկայ ու ջարդեցի, յաղթեցի քո թշնամիներին: Ակնկալում էի որ դու ինձ կը պարզես կեանքս: Բայց, իմ թշնամիները հրապուրեցին ինձ եւ երկիւղով լեցրին սիրտս քո հանդէպ, ինձ հեռացրին քեզնից: Այն երդումը, որ ես երդուայ քեզ, ինձ առաջ տարաւ, վե՛ր բարձրացրեց: Ահա եկել եմ եւ քո առջեւ եմ գտնուում: Ահաւասիկ ես՝ քո ծառադ՝ քո ձեռքում եմ գտնուում, ինչպէս կ'ուղես՝ վարուելի հետս, արա՛ ինչ կ'ուղես.— Սպա՛ն ինձ, քանի որ ես, ծառադ, քո հանդէպ շատ յանցաւոր եմ. ես մահուան եմ արժանի»:

«Շապուհ արքան, բռնած նորա ձեռքից, շարունակում է ճեմել ու լսել նորա չքմեղանքները: Յետոյ տանում է դէպի հայակողմը, ուր յատակը Հայաստանի հողով էր ծածկուած: Եւ երբ (Արշակ) այն տեղն է հասնում ու հայ հողը կոխում, խիստ խրոխտանում է եւ հպարտանում, ուրիշ ձայներ են լսում նորա բերնից: Սկսում է այսպէս խօսել եւ ասել.

«Հեռո՛ւ ինձնից, չարագործ ծառայ. դո՛ւ, որ տէր ես կանգնել քո տէրերի գլխին: Ես քեզ եւ քո օրդիներին երբեք չեմ ներիլ իմ նախնեաց վրէժը, չեմ ներիլ Արտեւան թագաւորի մահը: Հիմակ ու հիմա՛ դուք, ծառաներդ, թէ՛ եւ զբաւած էք պահում մեր՝ ձեր տէրերիդ դահը, բայց ես երբեք չեմ հանդատանալ, մինչեւ որ այդ, որ մեզ է պատկանում, չվերադառնայ մեզ»:

«Դարձեալ բռնում է (Շապուհ) նորա ձեռից, կրկին տանում Պարսից հողի վրայ: Այդ ժամանակ արդէն՝ Արշակ զղջում է իր ասածների համար, կռանում եւ բռնում է նորա ոտներից, զղջում եւ ապաշխարում է ասած խօսքերի համար: Բայց երբ բռնելով նորա ձեռից